

Sanz lehendakari gaitzat aurkeztu dio Castejonek Bozeramaileen Batzordeari

Asteartean programa aurkeztu eta hilaren 28an karguaz jabetuko da UPNko buruak

Erredakzioa / Iruñea

Nafarroako Parlamentuko presidente Jose Luis Castejonek abian jarri zuen atzo Miguel Sanz lehendakari izendatzeko prozedura. Goizean, talde parlamentario bakoitzeko bozeramailearekin bilera bana egin zuen. Arratsaldean, Castejonek Sanz hautagaitzat proposatu zion Bozeramaileen Batzordeari.

TALDE parlamentario guztietako bozeramaileek beren jarrerari eutsi zieten atzo goizean Castejonekin eduki bileretan. Batetik, UPN-PPk eta PSN-PSOEk argi utzi zuten haien arteko akordioak tinko dirauela eta, horrenbestez, lehendakaria Miguel Sanz izanen dela bermatuta dagoela. Bestetik, gainontzeko taldeek Sanzen aurka bozkatuko dutela berretsi zuten atzo. Sanzek ezer gutxi adierazi zuen Castejonekin bilera egin ondoren, lehendakaria izateko prest zegoela, besterik ez. PSNko Juan Jose Lizarbek nabarmendu zuen bere alderdiak ez zuela hautagairik aurkeztu Lehendakaritzan lortzeko EH-Nafarroaren sustengua ezinbestekoa zitzaiolako.

EH-Nafarroako Pernando Barrenak Miguel Sanzen kontra bozkatuko duela iragarri zuen, eta Parlamentuko lehendakari Castejonen jarrera «irekia» nabarmendu:



CRISTINA ABADIA / EFE

Miguel Sanz UPNko lehendakari gaitza eta Castejon Nafarroako Parlamentuko presidentea, atzo egin bileran.

«Aurreko presidentek jarra oztapatzailea baitzuen gustuko ez zituen taldeekin. Castejonek iragarri duena betetzea espero dut». IUko Jose Miguel Nuñek esan zuen Sanz ez dela «Nafarroak behar duen lehendakaria». CDNko Juan Cruz Allik gogor egin zuen UPN-PSNren aurka: «Erakundeetako boterea haien artean banatzen ari dira, botere mediati-koen laguntzaz». Azkenik, EA-EAJ koalizioak Begoña Erraztik bide beretik jo zuen: «Badakigu Sanz nola aritu den Gobernuan, eta erraza da nola ariko den aurreikustean».

Txetxu Barriosi parlamentario eskubideak kendu dizkio Mahaiak

JOSE LUIS BARRIOS EH-Nafarroako hautetsi presoari parlamentario eskubideak eta betebeharrak kendu zizkion Foru Erkidegoko Parlamentuko Mahaiak, «behin-behineko kartzelaldian dagoen bitartean». UPN, PSN, IU eta EAKo ordezkariak osatzen dute Mahaiak, eta aho batez hartu zuten erabakia. Haien arabera, Legebiltzarren arautegiko 27.3 artikuluan oinarriturik dago

erabakia, horrek esaten duelako behin-behineko kartzelaldian dauden parlamentarioek beren eskubideak eta betebeharrak galtzen dituztela. Barriosek ezin izan du parte hartu lehendakari izendatzeko prozeduran. EH-Nafarroako Pernando Barrenak atzo adierazitakoaren arabera, ordea, «Barriosek eskubide osoa du inbestidura prozedurako bilkuretan parte hartzeko».

Zenbait mahaikiderentzat hirugarren gradua proposatzea «nahaste maniobra» dela salatu du HBk

■ *Proposamenak graduen kontuan izan den erabilpen historikoa frogatzen duela azaldu du Otegitik*

Erredakzioa / Donostia

HERRI BATASUNAK atzo salatu zuenez, Langraizen espetxeratuta dauden hiru emakumezko presoek hirugarren gradua ematea proposatzea nahaste maniobra bat besterik ez da. Arnaldo Otegitik azaldu zuenez, Mari Jose Andueza, Amaia Bao eta Matti Iturralde mahaikideen jarrera espetxean beste guztiek izan duten bera izan da, eta ez dago alderik beste mahaikideenarekin konparatuta.

Proposamena izan den arren, mahaikideek behin baino gehiagotan adierazi dute ez dutela hirugarren gradurik onartuko.

Arnaldo Otegitik azaldu zuenez, maniobra horrek graduen inguruan egin den erabilpen historikoa frogatzen du, eta horren adibide Manu Legarretaetxebarria presoaren kasua jarri zuen.

HBko Mahai Nazionalak katean egon behar duela esan zuen Otegitik, eta inoiz ere ez zituztela espetxeratu behar.

«Mahaikideak kartzelan egotea iraina da», esan zuen Herri Batasunako bozeramaileak.

Langraizko Tratamentu Batzordeak hiru preso horiei hirugarren gradua ematea proposatu zien Espetxe Erakundeak. Beste 19 mahaikideentzat, ordea, ez dute horrelako proposamenik egin Langraizko, Martuteneko, Iruñeko eta Basauriko espetxeak. Hala ere, Espetxe Erakundeak organoa Espainiako Gobernuaren

mende dago, eta, Pique bozeramaileak adierazi zuenez, Gobernuak hirugarren gradua ematearen aurkakoa da.

Bilkurak hiriburuetan

Otegitik esanetan, beharrezkoa da presionatzea eta mobilizatzea. Graduen banaketa salatzeko, HBk Hego Euskal Herriko lau hiriburuetan bilkuretara deitu du biharko PP eta UPNren egoitzen aurrean, mahaikide aske gera daitezten.

Konstituzionalaren hitza Gorenak ezin duela zalantzan jarri gogorazi dute Augerrek eta Mendizabalek

■ *Hutsezina dela diote Entzutegi Nazionalako lehendakariak eta Konstituzionalako magistratuak*

Agentziak / Madril

ENTZUTEGI NAZIONALEKO lehendakari Clemente Auger-ek atzo adierazi zuenez, Gorenak ezin du zalantzan jarri Auzitegi Konstituzionalak mahaikideen errekursoaren inguruan hartzen duen erabakia, «edozein legerirerentzat Konstituzionalaren erabakiak bete beharreko doktrina baitira». Iritzi berekoa da Rafael Mendizabal Auzitegi Konstituzionalako kidea. «Arrazoia izan edo ez, Konstituzionalaren erabakia hutsezina da, azken instantzia delako».

Errekursoaren inguruan, Ibarretxe lehendakariak esan zuen erabakiak «bake prozesuan» lagun dezala espero duela. Jesus Cardenal Espainiako Estatuko fiskal nagusiak atzo adierazi zuenez, berak «ez du ikusten» Gorenaren sententzia berrikusi behar denik.

Euskal gizartean dardara sortzen dutenak Zorrila bezalako epaileen adierazpenak direla esan dute AABek

Erredakzioa / Donostia

HERENEGUN EAEko Justizia Auzitegi Nagusiko lehendakari Manuel Maria Zorrillak egindako adierazpenei erantzun emanaz, «benetan euskal gizartean dardara sortzen dutena bera bezalako epaileen adierazpenak» direla esan zuten atzo Amnistiaren Aldeko Batzordeak. «Mayoren estrategiaren ondoan jarritz, bere adierazpenek EAEko Auzitegi Nagusiaren izaera politikoa frogatzen dute» esan zuten.

Espainiako botere banaketa faltsua dela agerian uzten dutela salatu zuten AABek, «exekutiboak, legegileak eta judizialak estrategia politiko zehatz baten zerbitzuan lan egiten baitute». Horregatik euskal justizi sistema baten inguruko eztabaida behar dela gaineratu zuten.